

Heinrich Müller

**Rector Universitatis Rostochiensis Henricus Müller/ Theol. D. & Prof. Ordinar. Ad  
Recolendam Sanctissimae Passionis Dominicae memoriam Cives Academicos  
serio seduloq[ue] invitat & hortatur : P.P. Rostochii sub sigillo Rectoratus d. 13.  
Febr. Anno MDCLXX.**

Rostochii: Kilius, 1670

<http://purl.uni-rostock.de/rosdok/ppn735994390>

Druck Freier  Zugang



*Personen - Programm*

*4 Programe!*

*122*

RECTOR

UNIVERSITATIS ROSTOCHIENSIS

HENRICUS

Müller

Theol. D. & Prof. Ordinar.

Ad

Recolendam Sanctissimæ

PASSIONIS  
DOMINICÆ

memoriam

CIVES ACADEMICOS seriò sedulòq;  
invitat & hortatur.

*P. P. Rostochii (sub sigillo Rectoratus d. 13. Febr.*


*Anno MDC LXX.*

*1670*



ROSTOCHII,

Literis JOHANNIS KILII, Acad. Typogr.



*R. U. Progr. 1670/4*





Unestissima sunt, quæ pergens jam Servator Hierosolymam versùs imminere, sibi iterùm iterùmque inculcat Apostolis suis *Luc. XVIII, v. 31.* inquit; *Tradetur filius hominis gentibus & illudetur, & flagellabitur, & conspuetur, & postquam flagellaverint, occident eum.* Quot verba, tot momenta rerum. *Filius hominis*, quide homine natus, & homini datus, quin totus etiam homini deditus fuit, *tradetur gentibus.* A Juda, discipulo suo, Judæis, ab his, populo suo peculiari, gentibus traditur, qui rejectis Judæis inque perversum sensum traditis, gentium, juxta Prophetarum varicinia, & lumen esse debebat & delitium. Traditur autem non laudandus, sed illudendus; non coronandus, sed flagellandus; non exornandus, sed conspuendus; non deosculandus, sed occidendus. Traditur illudendus. Dominus gloriæ; flagellandus Medicus Israelis; conspuendus mortalium omnium pulcherrimus; traditur princeps vitæ occidendus. *Illudetur.* Factum id est & verbis & gestibus. Obvelabant enim faciem condemnati



demnati & *Prophetiza*, inquebant, *Christe, quis te percussit?* Caput nimirum ultimo supplicio afficiendis omnium ferè gentium more velabatur, De Persis testatur Historia Estheræ, c. VII. 8. De Atheniensibus Plutarchus, De Judæis Josephus l. VII, de B. J. c. 14. apud quem Eques Romanus captus à seditiosis Judæis, *re- vincētis post tergum manibus, oculisq; fasciâ velatis ad supplicium ducitur.* Romanorum carmen ferale ex Livio notissimum, *Illictor, caput obnubito, infelici arbore suspendito.* Et *flagellabitur.* Nimirum crucifixionem apud Romanos præcedebat flagellatio, ut *quasi esset hoc signo destinatus jam cruci candidatus*, prout loquitur Apulejus. Nam, ut Hieronymus notat, legis Romanæ fuit, crucifigendos prius flagellis verberare, ut hac ratione ab honestorum hominum societate quasi separarentur. Erat autem flagellatio servile supplicium, quod non nisi vilissimis, abjectissimisque irrogabatur mancipiis, ut est *in l. in servos 19. ff. de pœn. & l. levia ff. de accusat.* Hinc Prudentius,

- - *Tergum dedit ut servile flagellis*

Et à Vopisco servi *flagriones* appellati, quod flagris subjecti essent, ut verberones à verberibus. Idem statuit Paulus *in l. Pad. 4. ff. de incend. ruin. & naufrag. l. 1. §. cum paternus ff. de off. præ. urb.* Undè cives Romanos flagellare non licuit *Act. XVI, 37. XXII, 19.* de quo Cicero pro Rabirio: *Lex Porcia virgas ab omnium civium corporibus removet.* Christus igitur flagellationis hoc supplicium propter nos in se suscepit, ut ex servitute peccati liberatos pristina restitueret libertati *Job. VIII, 26.* Undè meritò conqueritur *Esai. XLIII, 24. Servire me fecisti in peccatis tuis; laborem præbuisse mihi in iniquitatibus tuis.* Et *confuetur.* Extremi contemptus signum  
rùm



tum apud Judæos *Deut. XXV, 9.* tum apud exterarum gen-  
tes. Hinc *despuere* pro vilipendere. Epicrates apud  
Athenarum *dipnos. XIII, c. 10.* de Laide olim superba,  
jam abiecta; *Ipsam videre ac inspuere est facilimum.* In-  
primis apud Veteres usu receptum fuit, ut quamprimum  
quis mortis reus perageretur, impunè jam à quibusvis  
despueretur, quod, more suo, prolixè probat Ramirelius  
*spicil. sacr. p. 213.* Et postquam flagellaverint occi-  
dent eum. Mortem nimirum crucis pro nobis est per-  
pessus Servator. Hanc apud Judæos usitatam non  
fuisse probant Dionysius Gothofredus *ad l. 38. ff. de  
pœnis* & Casaubonus *exerc. 16, cont. Baron.* quamvis Li-  
pius & Sigonius de veteribus Judæis contrarium sen-  
tiant. Fuit autem crucis supplicium crudelissimum,  
Jct. Paulus *l. 5. sent. 21.* appellat *summum supplicium*,  
quod irrogari solebat auctoribus seditionis, per *l. 38. §.  
2. ff. de pœn.* non tamen omnibus, sed servis atque  
mancipiis. Liberos enim homines, civesque Romanos  
funestâ hacce pœna affici non potuisse, nisi prius  
servi pœnæ fierent, multis docet Joach. Steph. *l. 1. de  
Idict, 7. n. 108.* Imperator tandem Constantinus cru-  
cifixionis hoc supplicium lege sustulit, *ne salutare si-  
gnum sublereretur ad perniciem, colendumque illud pœnis  
vilesceret damnatorum,* referente Sozomeno *l. 1. hist. Ec-  
cles. c. 8.* Quâ de causâ Tribonianus *in l. 28. in pr. l.  
38. §. 2. ff. de pœnis,* crucis loco furcam substituit, per-  
peram tamen, ut ingeniosiores judicant Jcti, quum  
cruis & furca sint res diversæ. Cruci enim criminosi  
figuntur, furcis suspenduntur. Sed sufficient hæc ad  
verba Servatoris notulæ. Passus hæc à judæis, passus  
à gentilibus Redemptor. Utinam verò non eadem etiam  
iamnum hodiè ab illis pati cogeretur, qui Christiani  
cum



eum non sint, dici tamen volunt atque videri! Utinam non & illi, hoc imprimis tempore, quo Sacrosanctæ passionis Dominicæ memoria devoto pectore solemniter recolenda, proderent, illuderent, conspuerent, flagellarent denuoque occiderent Redemptorem suum! Quis hic non detur in stuporem, audiens agnum illum pro salute mortalium occisum ab origine mundi occidi indies, non ab ethnicis, non à Judæis, non à Turcis, sed Christianis & quis non compatiatur Servatori suo tam horrendæ patientiæ quis sibi temperet abs lacrymis, videns & eos desipere Bachanalia, qui sapere debebant unicè JESUM CHRISTUM, eundemque crucifixum! Tradebat Christum Judæis Judas, traditurusque, *Quid vultis, inquiebat, mihi dare, & ego eum tradam?* Quàm multibachantium vel hac septimana tradituri erunt regem regum pro vilissima quaque re, turpissimâque voluptate! Demosthenes postulatus ingens pretium à scorto, respondit, *Tanti pœnitere non emo.* At quotus Christianorum quisque ita responderit mundo, si pro re nihili jubeatur tradere Christum? Tradebatur gentilibus à Judæis Servator. Sed quid petulans Bachanaliæ infania? nonne Christum, nonne Christianam, quâ tantoperè gloriamur, religionem labæ quâdam adspersit infamiæ? nonne occasiõnẽ præbet, gentilibus, Judæis, Turcis deridendi Christum, ejusque traducendi religionem? *Qui in lege gloriantur, ipsi per legis transgressionem Deum contumelia afficiunt. Nomen enim DEI propter illos blasphematur inter gentes, verè dixeris eum Paulo Rom. II, 27. 24.* Majori certè hæc jure ad bachantes nostros, quàm Hebræorum.

olima



olim plebs ad Moſen & Aaronem, *Exod. V.* Videat, o peſſimi, videat Dominus & iudicet, quoniam *ſœtere facitis nomen noſtrum coram gentibus, enſemque iis, quo occidamini, prabetis.* De gentilibus Servator, quod ſibi illuſuri faciemque ſuam obvelaturi ſint. Idem facturos his inprimis prævideo diebus illos, quiebrietati ſtudentes imaginem DEI, ad quam formati ſunt, obnubent, rationemque exterminabunt omnem, ut jam non homines appareant, ſed beſtiæ. Quot enim reperies in tabernis publicis ſuper ſcammis conſopitos! quot vacillantes in plateis, anſerum inſtar, vel jam jam in terram ruituros! Hi certè ipſi illudunt Chriſto, qui eſt imago patris & ad cuius ſimilitudinem miniſterio verbi per Spiritum S. reformati ſunt. Sed & illi faciem videntur obligaturi Chriſto, qui adeò peccabunt liberè, adeò impudenter, ac ſi ſclerum vindex Dominus nil eorum quidquam, quæ patrant, videret. Ingens certè infania, quia Deum non vides, mortalium nequiſſime, neque te ab ipſo videri credere. Sed & venerandam faciem ſuam ſputis conſpurcaturus gentiles prædicit Servator. Nonne conſpuunt indies, qui blaſphemias impudenter eructant? ex ſœtido ſanè pectore extrahuntur blaſphemiarum Deoque in faciem dicuntur, ſputo ſœtidiores longè, longè horribiliores, tam verò nonnullis receptæ, ut, quot verba faciunt, tot miſceant blaſphemias, ac ſi ſermonis quædam eſſent condimenta, aut ſine illis loqui quidquam neſciant. A Romanis ſanctiſſimum ſuum corpus loris, quæ flagella vocant, taxillatis conciſum iri meminit Dominus. Flagellant etiamnum, qui non ſatis habent, ſi delinquant ſoli,  
ſed



sed socios insuper sibi scelerum & petulantiarum ad-  
jungunt. Quod dum faciunt, ex pluribus quodam-  
modo funiculis flagellum connectunt, ut pluribus si-  
mul flagris Servatorem suum verberent, *Veni, in-  
quientes, nobiscum, insidiamur sanguini, insidiamur ino-  
nocenti absq̃ causa, deglutiamus eos sicut sepulcrum vi-  
dentes, & integros sicut descendentes in foveam. Omnimo-  
dam substantiam pretiosam reperiemus, implebimus domua  
nostras spoliis, soriem tuam projice inter nos. Marsupi-  
um unum sit omnibus nobis. Prov. I, v. 11. 12. 13. 14.* Ro-  
mani tandem occidebant inque crucem agebant Do-  
minum gloriae. At quot sunt hodie, quot eheu! in-  
ter nostros etiam, qui denuò crucifigunt sibi ipsis fili-  
um Dei, eumque ad exemplum Judæorum excruciant  
*Hebr. VI, 9.* Innumeros proh dolor! reperias qui pec-  
cata peccatis cumulantes quoties non sine ingenti a-  
nimi prolubio peccant, toties in suam ipsorum perni-  
ciam crucifigunt Dominum. Tribus clavibus Christus  
cruci affixus creditur. Unus affixit pedes. Sinistrum  
brachium alter. Tertius dexterum. Jam si tu, quis-  
quis peccas, Christo affigas pedes, non poterit ille  
ad te accedere. Quis ergò succurret prostrato? Ast  
ad ipsum ego, inquires, accedam. Quis verò poterit  
accedentem amplecti, si sinistrum etiam affigas bra-  
chium? dextram tamen porriget, regeres. At qui  
poterit, si & illa per peccata tua hæreat affixa? Hæc,  
*& mei,* cogitate, hæc ad animum admittite vestrum.  
Quod si feceritis, non Bachanalia facile desipietis, quæ  
Christum sede eiciunt suâ, i. e. pectore vestro. Ser-  
vatori illi potius vestro gratias ageris devotissimas,  
quod tot calamitates, tot injurias, flagra, sputum,  
fan-




sanguinem, quin deniq; mortem ipsam horrendumq;  
crucis supplicium vestri causa tam lubenter sustinuit.  
Memoria crucifixi Jesu crucifigat in vobis omne pec-  
catum, constringatque vos charitas illa Domini, qua  
in passione conspicua fuit quam maximè, ne posthac  
vobis vivatis, sed ei, qui pro vobis mortuus & susci-  
tatus est. *Ipsè enim, ut Bernhardus inquit olim,*  
*omnem debetis vitam vestram, quia ipse vitam suam*  
*posuit pro vestrà, & cruciatus amarus sustinuit, ne vos*  
*perpetuos sustineretis.* Faxit id Jesus, propter,  
quem pro nostrâ salute fudit, cruorem  
suum sanctissimum!

faxit!





sed socios insuper sibi scelerum & p  
jungunt. Quod dum faciunt, ex  
modo funiculis flagellum connectu  
mul flagris Servatorem suum vert  
quientes, nobiscum, insidiamur sang  
nocenti absq̄ causa, deglutiamus eos s  
bentes, & integros sicut descendentes in  
dam substantiam pretiosam reperiemus  
nostras spoliis, sortem tuam projice in  
um unum sit omnibus nobis. Prov. 1,  
mani tandem occidebant inque eru  
minum gloriae. At quot sunt hodi  
ter nostros etiam, qui denuo crucif  
um Dei, eumque ad exemplum Juda  
Hebr. VI, 9. Innumeros pro dolor  
cata peccatis cumulantes quoties ni  
nimi prolubio peccant, toties in sua  
aiem crucifigunt Dominum, Trib  
cruci affixus creditur. Unus affixit  
brachium alter. Tertius dexterus  
quis peccas, Christo affigas pede  
ad te accedere. Quis ergo succurre  
ad ipsum ego, inquires, accedam.  
accedentem amplecti, si sinistru  
chium? dextram tamen porriget,  
poterit, si & illa per peccata tua ha  
o mei, cogitate, haec ad animum ad  
Quod si feceritis, non Bachanalia fac  
Christum sede eiciunt sua, i. e. pecc  
vatori illi potius vestro gratias age  
quod tot calamitates, tot injurias,



m ad-  
odam-  
bus si-  
ni, in-  
ur inq̄  
m vi-  
nimo-  
domus  
r supi-  
Ro-  
t Do-  
eu! in-  
is fili-  
aciant  
i pec-  
nti a-  
perni-  
ristus;  
strum  
quis-  
rit ille  
? Ast  
oterit  
s bra-  
At qui  
Hac,  
rum.  
s, quz  
Ser-  
simas,  
rum,  
fan-